

## **E lē faalauaiteleina**

Ofisa o le Minisita Lagolago Matagaluega o Aoga

Komiti o le Soifua Manuia

## **Iloiloga o Manaoga Pito Maualuga: Lautele ma Faatulagana o Aiaiga**

### **Lafo faatu**

- 1 O lo o sailia i le faamaumauga lenei se maliega a le Kabeneta i le Lautele o le Iloiloga e Lagolagoina ai Tamaiti Aoga e iai Manaoga Pito Maualuga i Aoaoga.

### **Fesootaiga i faiga o faamuamua e le malo**

- 2 E fesootai le Iloiloga i folafolaga a o lei faia le palota tele na faaalia e le Vaega Faaupufai a le Labour Party's Education Policy i le palota tele 2020. E faamoemoe e faalautele le ausia o sini autu e lima a le Malo mo aoaoga, ma lagolagoina ai foi le ausia o le Government's Child and Youth Wellbeing Strategy.

### **Aotelega Faapitoa**

- 3 E tumau pea le tausisia e le Malo o aiatatau o tamaiti ma tupulaga laiti uma ia latou maua aoaoga faatasi ai ma le lagolagosua o moomia ina ia mafai ona aoao ma faamanuiaina ai i faiga e tutusa ai ma isi. E tele galuega o faatino i le taimi nei i totonu o matātā tau aoaoga e ausia ai le faamoemoe lenei.
- 4 E mautinoa lava le faaaogāina o faaupuga 'tamaiti' ma 'tupulaga laiti' i le faamaumauga lenei ina ia faaaofia uma ai tamaiti ma tupulaga laiti Māori faapea ai ma tamaiti ma tupulaga laiti e faasino i isi ituaiga tagatanuu ma talaaga.
- 5 E toatele tamaiti ma tupulaga laiti e mafai ona ausia ma le manuia aoaoga mai le itiiti o lagolagosua ma fesuiaiga i totonu o potuaoga ma aoga o aooga ai. E eseese faaupuga e faamatalaina ai le manuia e maua ma e faalagolago i sini autu, faanaunautaiga, ma mea e fiafia i ai tamaiti po o tupulaga taitoatasi. Peitai, e iai nisi o tamaiti ma tupulaga laiti e sili atu ona feagai ma le tele o mea e faalavelavea ai le maua o mataupu aaooina e mafai ai ona tutusa ma isi, ma e moomia le maoti o le lagolagosua faaopoopo e maua ai taunuuga lelei.
- 6 O le a limataitaiina le tofamamao a le Matagaluega e maua ai se faiga faavae tau aoaoga e faaaofia uma ai le United Nations Convention on the Rights of Persons with Disabilities (UNCRPD) Article 24 ma le Committee's General Comment i aiatatau e maua ai aoaoga ma le faamatalaina e le Komiti o aoaoga e faaaofia uma ai. O le a avea le New Zealand Disability Strategy e fai ma taiala o galuega lautele a le Malo e tali atu ai i le UNCRPD, e aofia ai le taunuuga tasi mo aoaoga.
- 7 O le *Learning Support Action Plan 2019 – 2025* (O le Fuafuaga o Galuega Faatino) o lo o aofia i le Programme of Action for the Child and Youth Wellbeing Strategy ma o lo o faamatala ai le tofamamao a le Malo mo se faiga faavae tau aoaoga e faaaofia uma ai "e lagona ai e tamaiti uma le talafeagai o se nofoaga ma ia, e amanaia ai, iloga ai suiga lelei, e malupuipuia ma faalauiloa ai lo latou soifua manuia, e iloa ai e aoao mea

*i le taimi atoa o le olaga, ma e maua ai e tamaiti ma tupulaga laiti lagolagosua talafeagai mo aoaoga i le taimi o moomia ai. E tāua le maua o le faatuatuaga i tamaiti ma tupulaga laiti ma o latou aiga o faanaunautaiga uma nei o le a mafai ona ausia i so o se aoga amata me ngā kōhangā reo, aoga po o le kura e aooga ai a latou fanau."*

- 8 E iai faaletonu faifai pea i faiga faavae e fesoootai i auala e maua ma faataunu ai lagolagosua maoti ma e patino i le tamaitiiti. O le vaega fa o ave i ai le faamuamua i le Fuafuaga o Galuega Faatino e tatau ai i le Malo ona fai le "Iloiloga o lagolagosua mo tamaiti ma tupulaga laiti e pito maualuga manaoga, e aofia ai le Ongoing Resourcing Scheme, ina ia faamautinoa o ausia manaoga o tamaiti ma tupulaga laiti, ma faataunu le taunuuga na faamoemoe i ai" (le Iloiloga).

- 9 Ou te fautuaina le Lautele o le Iloiloga:

- 9.1 Ia faia se faiga e tagai ai i manaoga atoa o le tamaitiiti ma e lē o faamatalaina ai tamaiti ma tupulaga latiti i faaletonu patino ua faamaonia ai, o le lē atoatoa o le tino ma le mafaufau, faaletonu pe o le ese o faiga e aoao ai ae ia taulai i manaoga o moomia e tamaiti ma tupulaga laiti ma auala e mafai ai ona maua le lagolagosua. E aofia ai i latou o:
- 9.1.1 maua i le taimi nei fesoasoani patino
  - 9.1.2 e lei ausia se manaoga mai le fesoasoani patino
  - 9.1.3 o iai i se nofoaga e lē tutusa auala e maua ai lagolagosua nei
- 9.2 E taulai i taumafaiga o savalia e le tamaitiiti ma se tasi o tupulaga i le faiga faavae tau aoaoga atoa, e amata mai aoga amata e oo atu i le lagolagosua o faia pe a faaiu aoaoga i kolisi maualuga.
- 9.3 E aofia ai auala e mafai ai e tamaiti ma tupulaga laiti ona maua le lagolagosua tusa lava po o fea o aoga ai.
- 9.4 E mafaufau totoa i le faia o suiga faigofie o moomia i le va o nofoaga o faia ai aoaoga e uunaia ma mafai ai sootaga malolosi e mafai ai e aoga uma ona sili atu le lelei o auala e maua ai tomai faapitoa e maua mai nofoaga faapitoa.
- 9.5 E aofia ai auala e mafai ai ona maua lagolagosua ma auaunaga. O le a aofia ai le toe iloiolina o faiga e faigata ona fetuunai ma faatulagana itiiti ma le faagasologa o talosaga e faamautinoa ai po o ai tamaiti ma tupulaga laiti e mafai ona maua lagolagosua, o le ituaiga lagolagosua o moomia, ma le umi o le taimi e tuuina atu ai le lagolagosua.
- 9.6 E faataatia ai fesoasoani tupe o iai i le taimi nei ma faatulaga ai punaoa faatusa i faiga taatele o iai i le taimi nei ma ia mafai ona iloa faamaumauga e ono tulai mai fesoasoani patino e lagolagoina ai auala ma vaifofo e siitia ese ai mai faiga fai toatasi o maua ai lagolagosua.
- 9.7 Iloiloina le aogā o faiga e tali atu ai e lagolagoina ai se manaoga o se tamaitiiti/aiga ma auala e mafai ai e le lagolagosua ona fesoasoani i tamaiti ma tupulaga ona faamatala ma ausia le manuia.

- 9.8 E aofia ai le moomia o le faaogatasi o auaunaga ma le lagolagosua i matagaluega uma a le malo mo tamaiti, tupulaga laiti ma o latou aiga, e aofia ai le moomia o le faia o lagolagosua e talafeagai ma tu ma agaifanua.
- 9.9 E atiae ai le tomai, malamalama ma le agavaa o tagata e tali atu ai ma tuuitiitia ai mea o fai ma faalavelave i tamaiti ma tupulaga laiti i vaega uma o fesootai i ai; i totonu o le aoga ma le potuaoga, taitaiga, pulega, faiaoga ma tomai faapitoa ma le Matagaluega.